

历届修谱执事名单

一修 清乾隆乙酉三十年 纂修 荣汪

二修 清乾隆乙未四十年 纂修 绍秉

三修 清道光己酉二十九年

主修 绍傑

倡修 宗奉 宗盎 宗朝 宗茂 宗羔

纂修 宗城 宗典 常噩 常庆

编修 常标 富羨

校阅 宗江 宗垣

总理 宗蔚

协修 宗里 宗桃 宗柱 常敬 掌颊 常彬 常衍 常全 常熙 富科

督修宗厚常德
理局常筭

四修
清光绪庚辰六年

主修宗炳
协修宗蔚
倡修富笈父澜
纂修常纓
编修常题
眷录常谱富美富吾
校阅宗懋常尊富魏
总理富年
理局常集常兆常东常标常全常姚常递常俊富沾富发
富国富部

五修
中华民国五年

主修 常亨

协修 常什

倡修 常俊 常东 常爵 富洪 富江 富姜 富鹤 富辛 贵人 贵槐

贵瑕

纂修 富襄 贵班

编修 贵瑞 贵异

校阅 贵超 贵昌

眷录 贵综 贵芳 庆隆

校对 富开 贵觉 世霖

总理 富荣

刊刷人 邱自潜 钟岳灵 艾松卿 邱友森 干载卿

六修联修

公元乙亥一九九五年

倡修 贵初 贵顺 庆根 庆俊

纂修 世延 庆宣

编修 庆松 庆喜

填录 启初

校阅 庆宣 启仁

财务 庆俊 启仁

协办 世卓 世铃 世梅 世钦 世征 世俊 亥余 庆满 庆续 庆友

庆寅 启和 启新 启洪 启明 启升

七修浏南杨氏定才公族谱

顾问 庆宣 启新

族长 世早

主修 文松 文明

协修 世田 世法 梓湘 庆武 启林 庆成 文新 启学 启荣 启凤 国成

文贤

校阅 庆庚

参修 庆谋 庆平 平芝 更生 杨康 庆秀 启亮 文杰 健忠 健全 文章

庆喜 方成 庆龙 庆洪 辉兵 启金 文辉 启佑 庆秋 启发 启亮

升平 启思 启忠 启友 启国 启洪 文学 文招 玉成 文榜 明根

水生 绍华 绍彭 才松 洪权 才金 国平 清铭 杨勇 德友 正忠

富伦

刊刷人 四知谱学

公元二〇一七丁酉年付梓

(1)、祖物像赞

定才公遗像



始祖公像赞

恭维

鼻祖名高豫章枝分南楚源远流长前代诗书堪式穀今时俎豆薦馨香遗
韻流风俨然临之在上气闻僊见確乎质之在旁

载鹤公遗像



鹤公像赞

高才气骨大雅仪容持己以敬与人以恭文章哲匠理学正宗流芳百世闻
风景从

廩生张光藻 拜题

必遂公遗像



嘉植年老先生真容

才华秀丽青衿志遂清高之风和平之气形原本来面目性惟诗书是嗜

年家媚晚彭志宏 盥手拜讚

戴安人遗像



杨母戴安人铭

青年自勵柏舟矢志諸凡闕儀靡不克脩畫荻和熊三鳳人瑞彤管清標徽
音表誌

必远公遗像



必远公像赞

抑抑威仪行端表正古貌古心率其天性望之俨然令人起敬诒厥孙谋
绰有余庆簪纓代起蒸蒸日上

宜邑庠生 陈鸿源题

尤孺人遺像



尤孺人像贊

大家儀范淑慎端莊求諸女史陶母敬姜徽音千古巾幗之光卓哉懿德彤
管流芳

邑庠生 陳年廉拜題

必迪公遺像



楊府迪公號開來老大人遺像

卻金聲洪清白攸同后起維翁克步芳踪珪璧其躬印印顚顚蹈和履中休
休有容學足三冬筆起長虹操技殊工名心偏慵草圃花宮翫月吟風奇賞特供
其樂融融子孫吉逢蘭桂成叢器美黃琮報德酬功

胡增齡 題

彭孺人遺像



迪公德配氏彭老孺人贊

瑶台芬降誕彰月儀聲高璜瑀譽溢盤匱哇敬其饁案齊於眉恪恭紛悅勉
治綸締和丸教郢剪髮奉遠菊椒遠播資景潛移桓君闕范堪母女師以今視昔
靡有參差

胡增瑞 題

荣清公遗像



荣清公像赞

爱亲笃伦疏财仗义排难解纷豪情侠气尔雅风流貌温言厉仲连之徒季
良其类

喻廷中 拜题

荣洌公遗像



恭赞 介菴年老先生真容

穆乎其冲藹乎其洪老成之范君子之风洌其清矣誕英此公景仰在昔未
 获时通有子六人才华并美季从余游标格可擬言造其廬公往永久叶神形宛
 然题辞惟似

陶村屈世昌 盥手拜讚

荣湛公遗像



荣湛公像赞

卓哉君子邦家之光衣冠整肃瞻视端莊含宏光大气象发扬咸钦雅度千
顷汪洋俨然在上望之堂堂子孙千亿受福无疆

邑庠生徐逢春 拜题

荣海公遗像



杨公巨川老大人像赞

品如金浑玉璞质如柏翠松苍接人如阳春冬日持己如白雪严霜身虽未登云路名自比於蘭芳在中有美何用不臧宜其标分赤黄资雄於乡且得三凤於膝下而剪珠堆玉者之盈堂也

刘名锋 拜题

绍雄公遗像



恭赞 储封杨公字梦文嫺伯老大人雅真

其神渊穆其象发皇不亢不卑宽而有制有为有守动罔不臧躁释矜平即
之晴川瑞玉威尊望重瞻之烈日秋霜鑑不辞形德操之镜郎朗胸可容物叔度
之波汪汪斗以南梁公第一江之左夷吾无双绘诸华鄂堂前居然紫芝眉宇登
诸玉环席上钦兹贾岛佛光

任山东信阳县知县 嫺姪刘名锋拜题

余孺人遗像



夢文公德配余老孺人像贊

挹山之精儲川之神胚胎大雅篤生 孺人与翁偕老寿登八旬举案齐眉
相敬如宾和丸教子佐阙苦辛蘭桂绕膝后嗣振振挥毫莫罄闡范常新丹青妙
手這箇逼真

邑庠生江顯哲 拜題

紹實公遺像



紹實公像贊

貌若愚容若醉是我真无异噫负此头颅不惯营利所喻者义因曾受许多
俗累兀坐匡床俨若思思男子顶天立地万古纲常寄半生愿少遂击磬漫拈着
如意如意如意付与后人谛视尚引之勿替

清嘉庆戊午年春月 谷旦

瑞公自题

绍敏公遗像



嶽祖父杨公绍敏老大人像赞

丰度高超容貌俊逸秋水其神璞玉其质皓首龐眉威仪是力世皆巍巍翁
独抑抑嘯傲林泉携酒自適无俟丹青数语已悉

邑庠生 孙堦刘名湘 拜题

宗炳公遺像



恭讀 楊公繡山嫗長大人德容

其容肅穆其度端庄望之俨然如圭如璋家傳清白志泯怠荒力崇儉朴敦篤倫常飭躬以禮教子多方年踰大耋家號小康一族之長萬民所望還看斑衣繞膝象笏盈牀齊眉點額福履嬾美於汾陽

廩生嫗晚陳長暄 拜撰

范孺人遗像



例授孺人杨府范老孺人遗照

太母系出宋儒文正清白传家厥有杨姓慕母名裔卜吉而聘于归以来克恭克敬提甕出汲勤劳不病麟趾比仁螽斯衍庆丈夫子四母教如孟绕膝多孙后先辉映积善降祥莫量所竟鏃以嫺隣得仰其行原德之成肇自安命兹奉遗容敢辞题詠寄语巾幗於焉是镜

任湖北兴山县知事嫺再姪 陈长鏃 拜讚

宗蔚公遗像



杨公文全老大人遗像赞

体厚而安神清而荡白发苍颜见寿者相夷考生平含宏度量持躬克俭勤
待人以谦让古处是敦不随时尚宜其寿而康老犹壮遐龄媲吕望我仪其人当
在羲皇以上

民国五年十一月 谷旦
邑增生嫺晚陈昌应 拜题

邱孺人遗像



文全公德配邱老孺人遗像赞

仪容肃穆举止端庄相夫黽勉教子义方族党钦敬闾里揄扬晋之陶母鲁之敬姜其殆足与齐芳所由福缘德懋逢吉康强百年上寿五代一堂允惟熙朝人瑞亲膺五色之龙章

民国五年十一月 谷旦

新化县承审员前清庠生陈绍聘 拜题

宗厚公遗像



杨公堃元大人像赞

其容蔼蔼其度恂恂谦恭持己忠厚待人戒奢华而崇简朴亲稼穡不辞艰辛虽人情恆趋於美丽而此老终不失此身吾见其人也颯然高望其殆无懷氏之民葛天氏之民

民国五年十一月 谷旦
邑庠生嫺愚姪陈泰交 拜题

宗茂公遗像



杨公宗茂老夫子雅真

楚楚衣冠彬彬儒雅此非好整以暇其殆如金之在冶处世则敦厚温柔处
事则毫无苟且悟对被以春风排解则言词如泻青标南涧松白翩春草马佐治
林泉立黜草野我用我法知之寡世有昭明其人乎必谓古人风在夫夫也

贡生陈蕃庶 拜题

陈孺人遗像



陈孺人像赞

景彼孺人静一端庄闺房之秀巾幗之光和谐妯娌孝奉姑嫜相夫以敬教子义方宜其寿而富熾而昌子孙济济共一堂於戏人虽往矣瞻彼遗像若在上在旁

民国五年十一月 谷旦
邑庠生嫺晚刘廷献 拜题

宗朝公遗像



宗朝公像赞

衣冠整肃气象发皇偶然货殖端木名扬想当年谱牒铿锵建神庙募桥梁
到而今祠宇辉煌世系重光崎岖喜康莊羨后裔踵芳躅不效美玉藏哲学养家
方咸称瑚琏器无任瞻望尊翁盛德流芳俎豆薦馨香何假丹草笔铺张

贺祥麟 拜题

刘孺人遗像



宗朝公德配刘孺人像赞

肃然者貌 邴然者容 祥钟禄阁 笃产孺人 幽闲贞静 塞渊秉心 良人获助 一家增荣 旋吐三凤 聪颖轶伦 花钿早菱 阆苑常新 非田舍之村媪 可方娉婷 惟古来之淑媛 斯齐厥徽音

王孔嘉 拜题

常芳公遗像



贾恩浩赠武顯将军

晋赠振威将军 杨公吟秋老大人玉照

六龙之麓三鐘之堂有美一人气宇轩昂其身已杳其后克昌象贤崛起骏烈腾骧宣威蜀徼树绩滇疆两膺虎节叠贡

龙章九京舞抃八座辉煌何修得此令我彷徨闻翁之性宽裕慈良闻翁之行正直平康闻翁持己严毅端方闻翁接物和厚谦光自求多祐用集余庆延釐未艾食报孔长爰披图画爰撮芬芳善人面目佛子心肠临书敬慕楮墨畱香

光绪五年己卯秋 杨生绮川以 尊赠翁遗照索题时 赠翁即世二十余年矣父以子贵没有余荣询悉生平畧为道其梗槩知凝庥积庆固有由来也

虎潭陈运精顿首拜撰并识

胡太夫人遗像



胡太夫人赞

维太夫人系出华宗嫔于杨氏相厥赠翁凤嫔内则德言容工守钟郝法有
桓孟风教子成立壮岁从戎克殄巨憝扫此羣凶惟天眷德惟帝念功四川作镇
滇南效忠两颁令典叠荷荣封登堂肃拜如见其容

光绪己卯科举人 世愚姪刘大鈞拜题

常彬公遗像



例授登仕郎内叔杨公蔚堂先生大人雅真

德人之容君子之守卻四知金立三不朽处事如白日青天化人若春风醇酒左图史靡不留神鲜卉名花时亲妙手所恶者淫佚骄奢所重者朴实忠厚以勤励后不义之富贵等浮云以正范族一本之子孙咸知尊祖或钦美玉南金或仰泰山北斗有裨於世道人心深叶夫乡评众口诗曰尔炽尔昌尔富尔寿以公卜之而知其皆所必有

同治壬申 谷旦
愚姪婿刘大端拜撰

常禔公遺像



恭讀 楊府 景山先生遺照

其容肅穆其度安閑精神畢肖俗態全刪彼君子兮曰維景山也曾學道留心孔顏也曾學賈濤跡市闌也曾宦游西蜀攬勝於劍閣重關惜年不永莫濟時艱然而形骸虽逝典型可攀到今想象依然高山岌岌流水潺潺
清光緒庚辰之秋

嫻愚姪陳長暄 拜撰

常庆公遗像



恭赞 岳祖父杨公常庆老大人雅真

鹤步鸾翔雍容儒雅童子六七千人从游来学读学写雪案前芸窗下手中
诗书不舍若与物无争矜孤恤寡安朴素居草野是载诸口碑而得之耳食者彼
时而出其图以观之乎谁不曰此其大略也

孙壻大学生葉有峯 拜题

富东公遗像



杨公松林军门大人寿容

觀君之像想君之學骨格高標英姿卓犖胸有甲兵志藏韜略貌比蓮花形
同山岳功紀雲臺繪擬麟閣敬慎威儀為軍表率妙筆傳神生機活潑遠矚高瞻
望之儼若

雲南開化府知府 愚弟郭懷禮頓首拜題

刘太夫人遗像



刘太夫人赞

於穆贤母欲见无因幸有妙笔能写其真生气远出阿堵传神望之即之孰
与比伦敬姜德曜庶几斯人天与全福两荷恩纶

现任福建建宁府闽县知县

嫺晚生刘裔经 拜题

杨母戴安人節孝传赞

節母戴安人者邑庠生杨公嘉植妻也年二十九而寡有子三人长肇厦次肇基三肇修 安人抚而教督之皆卓然自立有猷有为有守擅重望於一时乾隆间以 安人苦節事上之大吏请旌於朝给帑金建坊於其里之横头市逮今百余年矣往来行人莫不望而起敬知为安人守節建者足以式巾幗振纲常维风化更百世下猶一日也余生也晚闻诸父老耳熟已祥同治初与修邑志按前所载 安人節事又考杨氏家乘得其实錄尤祥且悉惜里之人第知其節之不可及若志其孝之不可及者夫百行莫先於孝節固难節而孝尤难 安人既失所天其继姑陈又病痿痹委顿床褥所需以扶持服侍岂无婢仆足供使令而安人则谓是为子妇责也乃以妇道而兼子职所为嘗汤藥进甘旨抑搔盥濯诸事皆身任之不假手他人如是者历十八年无少懈俾其姑有病如无病子亡如未亡且远胜於有子而未亡者然则安人之善养姑志正 安人之善承夫志也安人之節实与孝俱 安人之孝其可以節掩乎且夫世之所谓節者惟是屏铅华矢柏舟抚成遗孤以报所天足矣 安人则更以孝而报其所天者罔极之天其孝弥笃故其節弥贞也吾恐世之传 安人者第以其節而不知其孝之尤可传特表而出之且綴以

赞

卓彼 安人克全性真青年勵志節茂松筠志不可夺孝亦称纯名标彤管芳著贞珉煌煌懿范振古如新百世兴起敦笃彝伦惟天眷德惟帝佑仁允宜后裔搢笏垂绅

大清光绪六年岁次庚辰孟秋月谷旦

同里县学生陈长暄敬撰

戴安人报節各上憲人名附

湖南长沙府浏阳县督捕廳右堂朱公節文

湖南长沙府浏阳县永安司吴公永斌

湖南长沙府浏阳县儒学训导谭公尚籍

湖南长沙府浏阳县儒学正堂李公国珂

湖南长沙府浏阳县儒学正堂胡公凤翥

湖南长沙府浏阳县县丞冯公世焕

湖南长沙府浏阳县知县张公宏遽

湖南长沙府浏阳县知县汪公涛

湖南长沙府知府刘公尚质

湖南等处承宣布政使司布政使许公松佶

提督湖南全省学政詹事府左春坊左赞善鄭公虎文

兵部右侍郎兼都察院右副都御史巡抚湖南等处地方提督军务兼理粮
饷冯公钤

太子少保兵部尚书总督湖广等处地方军务兼理粮饷都察院右都御史
碩公色



清乾隆二十六年岁在辛巳八月 谷旦
 氏男荣清荣洵荣湛建立
 匠氏刘蘭桂汤南先同造

题请

圣旨

旌表发帑建坊



进士蒋载熹题石坊诗

石破天惊陡豎峰

森罗万象玉玲珑

非關巧出高人手

一點精诚造化通

嶽曾祖父杨公开来老大人暨

德配彭老孺人傳贊

杨公开来乃 生梯公三子予之岳曾祖父也生而气质清明义理昭著褻躬不等丁屈立心能共丙明惜享年不永方壮而卒使天假之年必笃志青云飞騰万里也爰搦管而为之赞曰妙齡自立少年老成儒书通达浑厚精明夫惟大雅冠冕群英若锡纯嘏鴈塔题名

孺人心同冰雪德懋珩璜温恭出自性成笑言不苟淑慎由于天授礼度无愆敬夫如宾治家有法凡孝奉姑嫜和睦妯娌阃范难以枚举夫君壮岁不禄孺人以义方训子五桂騰芳一枝偏瘁迄今后裔蕃衍食报无涯予也拭俟之赞曰德性贞静容貌温恭相夫勤俭教子慤慤和谐妯娌爱恤儿童治家严肃有林下风

曾孙壻邑庠生刘名麓顿首拜撰

杨公遵南老大人傳

翁之为人也严气正性与物无情返璞归真藏身善晦浩乎与天为徒人事不以撓其念曠然与古为侶世故无足役其心或曰此无怀氏之遗民也或曰此葛天氏之遗民也夫生人之患丧偶为最德配 陈孺人之遊仙岛也 翁年方壮能以义自守人有以续絃劝者 翁则泫然出涕曰忠孝節义天地之正气万不幸而我先歿欲令妇人守節妇人尤当指天誓日以自盟况我已举三雏所处不能如妇人卒何以立於天地之间故其清心寡欲义声之洋溢於内外者诚无愧於隐微矣晚岁尤厌纷华不求闻达当时以耆民举报上憲奉旨恩荣 翁志气轩昂卻之不受惟徜徉乎某水某山潇洒於一邱一壑兼倣陶公致富程法家道亦遂丰豫饶有阡陌虽自奉俭约凡谊笃宗族惠浹嫗党一切利济之事闻见所

及知无不为古语云树德务滋为善最乐其 尊翁之谓歟夫德洽於人者深斯食报於天者厚桂子蘭孙森森玉立年享上寿五代一堂若 尊翁者岂非古所称人瑞者耶迄今后裔繁衍丕振家声正未有艾因贵族崑岡从游吾门得悉尊翁德行故援笔而为之传虽不足以发潜德之幽光俾后之览者亦得以相知其梗概云尔

邑增生昭萍况先洋谨撰

恭祝杨公遵南老大人九秩寿联

带素鼓離鸞冷榻春回雪生藕冰结桃六豆甘分饶五代

辞轩翔老鹤清门瑞霭雾列筹霞辉彩百年珍养傲三公

廩生懃宏图顿首拜题

杨母胡大孺人節烈傳

从来杀身成仁舍生取义虽刚克之男子且难之而出於阴柔之女子则尤有难焉者景彼

孺人同乡西岭下胡公定邦之女 杨公绍僖之妻也于归未久夫君不禄孺人誓以身殉哀而慟慟而绝绝而复甦者再三念夫无嗣请於夫兄贤公以姪而主夫之后公怜青年不忍备荼荼苦曰姪犹子也未获俞允复请於族亦不得当此危疑之际使非义精仁熟达於不二之谊而能慷慨赴節者未之有也使苟且偷生一抔之土未乾劝再醮者接踵而至即赴汤蹈火百折不回而空守蕙帐明无以承宗祧幽无以慰良人与其生无益於世不若死有闻於后孺人知明处当越三日殯殮毕自经而死夫妇双枢同出合葬本里夹山冲夫兄伤悼命次男宗义承继而族戚举报上宪奉旨旌表崇祀節孝祠採入省志嗟夫 孺人之死善矣其义气刚烈时窮節见岂非古所称女中丈夫者耶间尝网罗青緇或毁形以明心或赋诗以见志类皆心有定见不能摇夺要未有如 孺人之不露圭角视死如归者彼白面书生尚甘厕貳臣之傳即红颜女子亦重联两姓之盟闻孺人之风其亦知义至仁尽者之不苟且偷生也乎余生也晚未获亲炙 孺人之芳型犹幸叨戚谊於 孺人之族 孺人節烈事亦既闻之熟而知之稔矣爰濡笔而为之傳以俟有表彰之责者

道光二十九年岁次己酉阳月朔日谷旦

邑增生姪孙墉刘名湘薰沐顿首拜撰

弔楊公紹信德配胡孺人文

且人不能植節義樹綱常雖生天地間猶虛耳但世俗波靡大抵見生則貪見死則畏苟且偷生比比皆然則所云植節義樹綱常者雖在男子尚不素見又安望女子之流輩乎以予所聞楊母胡孺人之事則有之 孺人為胡公定邦之女楊公紹信之妻年僅二十七四德之訓克嫻七戒之箴常凜凡所為之事姑以孝處妯娌以和相夫子以敬者亦婦道之常不為 孺人異所可異者痛兩髦之不見嗟半世之無偕再醮既非所愿堅守亦屬難堪使夫黨不違其請乃夫克昌厥后 孺人撫孤教讀俾至成立事業正未有艾即从容就義要豈苟且偷生者所可同日语哉乃為夫立繼既不得於伯由親及疏復不得於族與其蕙帳寂寞對孤燈而形單影只孰若樹栽連理矢皦日而魂依神交以故夫家不能會其意母家不能越其志既藏金石之心不露圭角之跡儀一而心結志決而身殞達不二之誼視死如歸守從一之操赴節若驚嗟夫只身誰語白書猶是夫幽婦明之異路九泉攜手黃昏遂作夫唱婦隨之同途生與夫同心三從之愿未遂死與夫同穴雙玉之埋可悲蓋淑質春和已秉坤元之順而義氣秋烈復具乾德之剛生前以紅絲系夫婦之足偕伉儷者數年死時以白帶終夫婦之身流芳名者萬古三日不食目無見而耳無聞一意孤行口有碑而史有筆不愧清河之譽足增家乘之光卓哉孺人永垂不朽矣余讀楊公紹實詩得悉孺人梗概為之移古詞以贈曰云山蒼蒼白水泱泱 孺人之風山高水長

邑庠生香崖鄧芸芳謹撰

輓堂弟紹信德配胡孺人殉節絕句十首

孺人系出西嶺

秀鍾西嶺秉坤堅慷慨殉夫義凜然特立綱常昭盛治香生蓮國姓名鮮

予祖母戴安人守節建坊孺人素承懿訓

繼美貞操輝后先幽光遙映石坊前从容就義承帋訓視死如歸紹昔賢

孺人奉姑最孝侍疾衣不解帶且竊禱愿以身代親死

侍疾萱帋夜不眠禱將身代保親痊冰心一點惟貞孝闡范應登女史篇

信乏嗣孺人欲撫繼不果待夫殯殮畢即逝痛夫嗣絕恨綿綿未遂忧伤慰九

泉不肯偷生驟勁節鬚眉猶有愧花鉤

夫授登仕郎職孺人死即同穴

琴瑟靜彈忽斷絃空勞伴讀職名銓夜臺有路拋難別野曠風寒慮獨眠

賢惠好義

柳絮才高最可憐更同陶母款賓賢能伸大義家聲振凭弔芳徽涕泗漣

讀書明理

弱紆應讀墜樓篇故使須臾不苟延取義成仁師孔孟高風擬入彩雲邊

望景感懷

數行血淚灑平川溪柳依依積恨煙烈氣還同秋月皎山頭瘞玉影娟娟

節烈可風雖死猶生

伉儷永諧并作仙須知死日是生年泰山迥與鴻毛等畱得芳名萬古傳

竊期表揚以慰之

何慮芳名與歲遷有時風送九重天蒼穹怎肯泯貞節不久龍章紫詔宣

清乾隆三十六年歲次辛卯三月上巳日

夫兄紹寶 謹撰

先考星耀公先妣李孺人行述

公諱紹遠為人直諒公忠輕財重義凡恃強欺弱依富壓貧不平之事一概不為原配孺人李氏其岳仕仙公無嗣早逝岳之嫡堂弟仕侯亦無后侯富而仙貧侯妻李阿劉為夫擇繼疏房之姪承桃親房不服互爭構訟在案公曰富則親疏爭繼貧則覆絕罔聞實屬不平可惡且仙兄也侯弟也律載長房無嗣次房不得有子若不為仙立繼則爭者無所庸爭繼者亦無庸議繼乃為岳母陳情於堂乞墾為夫立繼時李阿劉密託姻戚與公講成許餽白金三百兩止公寢事公曰吾仗義為岳繼絕見利遂止他日有何面目見岳父於地下乎卻之不受卒終訟墾官立繼官憐孺人之誠孝并諭李阿劉抽田拾碩作仕仙繼產仙祀賴以不滅公真可謂見利思義不忘平生之言者矣時萍邑庠生李增學先生館余家稔悉其事因為之傳以誌之

不肖男宗城 謹識

先考拔秀公先妣陶孺人行述

蓋聞父歿而不能讀父之書手澤存焉耳母歿而栖櫬不能飲焉口澤存焉耳終天抱憾人子之心何時能已矧二人生平實行敢愬然一日釋於懷勿登家乘竟令后世泯滅而勿彰也哉不孝之罪難追矣用敢言一二大概載之族譜謹述父諱紹俊字拔秀同母弟一諱紹傑父與叔二人友于之誼嘗見式好毋尤天性純篤生平忠厚待人絕無機械之事朴实处已全無粉飾之情橫逆相加置不與校假貸相通取不為迫其勦理祠事必盡竭力故宗族感為之推重且心懷淡泊不愛繁華一瓦之覆一垆之埴晏如也內有我母為之贊襄家政克勤克儉內務就理母姓陶氏同邑澄潭江庠生荆山公之六子其清公長女也莊嚴恭敬仁慈慈良隣有染疫之家不能舉火人皆裹足不顧母言於父遺以薪米有流民婦在路孕育言於父假以春舍棲身且遺送盆湯包裹不已其生平減口食以周恤乞兒丐婦者不知凡幾嘗謂諸婦曰我汝三殮腹猶果然彼奈何一飯不飽母存心如此殆與父同心宅於仁者耶又嘗言于歸二載祖母沒未獲奉侍終身以為憾孝敬之心藹然流露於言語間生不孝兄弟三長遙弟枚倍極劬勞姊一適外戚德焯不孝孩抱多病啼哭達旦母卧不安席罔極之恩真有昊天莫報者嗚呼不孝蒙父母少時鞠育顧復教讀婚配百事勞心父母存日未能奮達青雲以為父母光寵徒以筆墨表父母善行亦奚以為然使不著之筆墨恐疏忽遺忘之罪更難追矣茲屆纂修家乘謹將父母生平梗概真述具載俾後世子孫有所效法不孝終身兢兢於讀父書飲栖櫬之念不忘而已矣

不孝次男宗典百拜謹述

楊母彭大孺人節孝傳

孺人楊公諱宗虞之妻彭公諱正波之女余堂弟邑增生名湘其女壻也昔余館於鱣堂祠藉悉 孺人淑德厥后特授永州江華縣教諭適湘來署為 孺人索傳於余告余曰湘閱賢嫠多矣要未有苦節之貞如吾岳母者歲己卯湘受室歸甯時獲覩慈顏婉婉嫵嫵真巾幗丈夫也聞自戊午于歸岳翁翁質直好義猝染足疾常卧床褥母侍湯藥供盤殮寢不安枕者五載越丙寅母年二十七岳翁不祿遺孤女甫六齡爾母失所天哀慟几絕嶽大父命嶽伯男常霖承祀遂

乃茹荼饮藥画荻和丸垂数十年如一日且事岳大父母最谨就养无方常得翁姑懽心既而亲炙日久见其待妯娌猜嫌悉捐若何其柔顺也视子姪畛域无分若何其宽裕也闺门之内梁媛高行若何其肃穆也荆钗布裙劳纺织工针黹何其勤俭也泊霖长欲为母请旌表建坊殊霖捐館此意不果岳母率孀媳彭公人猷女共励柏舟抚长孙富莊配甘次富教配陈莊又育嗣贵良俱卓犖能恢先绪迄今母年古稀四代一堂顾而乐之迴首青灯夜寂素帟风凄何堪追忆也似此青年励節允宜彤管扬芬邑绅士选入总坊荣膺 熙朝旌表斯不亦馨传千古哉予闻之蹴然起敬曰以昔所闻证今所传虽刚克之男子且难之而母也铁石心肠处之若素不惟报藥碁於泉壤抑且诒燕翼於云初矣君子是以知 孺人之泽孔长而 孀翁之后必大也爰缀此以应余弟之请而备輶轩之採云尔

清道光二十九年岁次己酉十一月谷旦

永州府江华县教谕前署江西高安奉新宜黄安仁县知县

孀姪刘名义盥手拜撰

杨公云山先生傳

自财公卜居楼西岭里以淳朴著迄 先生时丁益盛而家益饶殆其善作善述之明验与 先生负性灵敏仁恕恭敬戚党之间恂恂如也不趨时衣食日用从俭而已以严谨自持动必以义不喜谈俗事霽乎有隐君子风世之知者无论乎贤与不肖怙然服之莫有能訾其行者非甚盛德其孰能与此晚年爱书文手不释卷后则耕读相传忠厚勤俭本身以率之也年七十有六以无疾捐館德配 刘孺人生子三人孙曾林立都人士咸美之哲嗣昆仲以予有姻谊得悉其人遂属为傳以纪其畧余每观乎世之名公巨卿学业勳名辉增宇宙而溯所从来皆由前人之居心行事粹然至善毫无失德者以垂裕乃后也今 先生为人如此余既乐为之傳后之人食德服畴保世滋大则感及先生之畱貽且勉余之言非溢美云

愚姻弟邑庠生刘顥模拜撰

杨公蔚堂先生傳

公讳常彬号蔚堂世居横头里固沙溪之望族也公生平急公仗义有古君子风其尤者则尊祖敬宗收族数大端啧啧人口没后犹傳之未艾横头旧虽有祠规模未广 公曰君子将营宫室宗廟为先因陋就简是非所以妥先灵也公首鳩合宗族簞而新之且增構前栋道旁过者共为观美祠既修而其曾祖湛公向无饗堂公复毅然倡建其有功祖廟宗祊者知非浅鲜未已也 公之高祖考泰来公妣戴安人生子三曰清曰浏曰湛安人存有公业兼有遗言三房原立一会曰泰裔以为祭扫之资厥后泰裔会分 公屢欲复之而不能其业遂皆并入於浏湛二房 公曰此业若失是吾二房子孙之责也其何以慰 戴安人於地下於是將前业或贖还或公出二房共立一会取名两仪闻是时公於病中犹促宗人以急行诞祭其诚奉先奚若者礼曰尊祖故敬宗敬宗故收族惟公有焉予虽不获见 公於生存然 公之行谊得於都人士所称道者甚悉旋晤之哲嗣曰是皆然矣先生其为我先君子立傳可乎予曰唯乃即前所闻者援筆而书之以为后之急公仗义者法焉

清光绪六年岁次庚辰中秋月谷旦

邑庠生衡青汤世晉拜譔

杨公景山先生傳

先生姓杨氏讳常禔字介福景山其别号也其尊人以贸易起家中年始得先生昆季 先生生而颖異方聰角教之读目数行下既成童与暄共砚三四载朝夕剴切文已理法双清堪出应试矣於诗尤具别才倚马可待时其尊人倦于勤欲付以家事令之改业 先生不敢违命乃弃毛锥率其二弟而效陶朱之所为亲司筦鑰慎勤交矢出入无少谬犹能不疏定省之节其尊人遂得安享余年未几尊人即世先生与其弟操业如故而奉其继慈及叔父又皆得其欢心丧葬亦悉中理人无间言既乃援例入大学并为二弟完婚又数年始与弟析贖产各

谋生理 先生仍曲体先人志时加督率不忍听其妄为故二弟皆资以成立先生失怙年纔弱冠既为家督又能超然物表不染尘市澆风其与人业谦谦自牧辞气以和平至论涉是非则务持公道不唯诺因人邻里纷争辄赖之排解故邑中先达皆器重之举总团坊近间宵小莫不耳其名而心慑同治六年冬教匪自醴陵潜来我境滋事 先生得耗即与同事械获多名余党鼠竄境内得以安堵大吏叙功保 授六品顶戴将重委之以公事逾年己巳其家松林总戎适膺简命出镇川北 先生虑其甫当大任诸少历练乃以家务委之德配李孺人及其二弟亲自辅松林行由楚入蜀跋涉数千里外既抵任佐之部署一切遂以劳瘁病作明年五月卒於保甯镇署是冬归櫬族人咸深哀悼乃以祀田为之兆焉时年三十五有丈夫子一人论曰予悉先生之为人由少而壮既祥且尽观其於父母昆弟叔侄亦既孝恭慈爱之兼尽虽古之敦笃伦常者不是过焉若其德之见服於乡党才之有济於公私则又彰彰在人耳目矣使天假以年其芳规懿行与夫伟绩丰功所以光史册铭旗常必有不胜述者然第迹其所已能亦足以垂不朽云

清光绪六年岁在庚辰孟秋月谷旦

同里邑庠生眷愚姪陈长暄拜撰

杨公益三习吾两先生合傳

前清光绪初予館於杨生筱珊家即与 益三先生相友善先生讳常谦其父文全公与伯父文成公少孤贫惟母是依事之甚谨母年七十余卒 公兄弟罄其家貲以治丧事乡里称孝年近五十始得 先生 先生幼聪敏教之读輒过目不忘 文全公以家微故令废读从其岳翁危生学药材之艺无何岳翁以疾归先生乃自为计积十余年渐致豐饒 先生性和平不露声色所与遊皆正直之士其待小人也不恶而严小人亦敬且畏之 文全公卒 先生尽哀尽礼较 公之所以葬母者更加厚归窆之时其弟常诒以无疾歿 先生共枕哭达

旦家人强之起乃视事时值严冬出纳甚急又连遭丧故 先生以哀毁之余料理一切以是积劳成疾无子以弟子富淮为后弟故有三子 先生欲以家产分为三恐其妇有违言病中乃手书关约三纸付其从吾习吾 习吾先生讳常傳文成公季子也少年时每事求胜不肯为人下人有侮之者必尽力以报之及壮与都人士相晋接乃变其气质而底於温和然其刚直之性犹自若也以是人皆畏其威而钦其德族之两仪会虽有祀事而常有不给 先生劝族人加捐经年收纳增置田租数十石从兄益三素重其为人临终时以后事付之 先生为成其事族人以此服益三有知人之明而谓 先生能不负人之托享年不永惜哉有子一人曰富襄能继其志

论曰予尝读孔子谓甯武子其知可及其愚不可及之言竊叹其人之不多觀今观於 益三先生以自置之业一分与子二分与姪是真其愚之不可及也若 习吾先生者殆亦古所称铁中之铮铮庸中之佼佼者乎

民国五年吉月吉日

嫻世愚姪王国章谨撰

杨公富羨号補丞先生赞

念自翁与弟始则谊重袂襟继则婚联秦晋此志同而道合者也追述我翁之为人也品行端庄聪明流利学精岐轩咸推国手道贯廬扁共仰慧心居家则克俭克勤处世则无虞无诈衣冠简朴古风犹存意气和平典型足式绍关西之世第上承先人传清白之家下啓后代看当年桂蕊增荣龙章叠贲思異日蘭牙挺凤诰频颁是为述之

国学生嫻世弟张德莊顿首

恭祝覃恩诰封太夫人

晋封一品太夫人杨母胡太夫人六秩荣庆

从来俊杰挺生或以才德著或以功名顯史不辍书嘗考其所以非秉义方於庭训即承慈诲於闾帟也如子輿氏之母择邻而居元微之之母亲授其学以及柳母丸熊陶母封鮓是皆以母兼师教子名立扬徽於彤管著美於简编者也当今之世惟 镇憲杨公蹟颇类是 公幼有壮志以胜衣之年杖策从戎立功於江楚粤蜀间勳业爛然声震遐迩甫壮即膺 简命拥節巴西慕之者咸叹为材能天授遇合非常而不知其家学渊源奉教於萱帟者有自来矣松亭等久隸節麾或兼桑梓稔知 太夫人之贤如古之以母兼师教子名立者不多讓焉今岁孟冬届 太夫人六秩嘉诞凡我寅寮谊得登堂奉爵以修祝嘏礼因特综其世胄稽其行表而实陈之固不敢以寻常颂祝浮词进也 太夫人以名家子素娴内则柔谦和惠本自性生言德容功弗烦姆教课女红慎言笑动止以礼駸駸乎有桓孟风及适 赠翁秉妇职操家猷荆钗布裙躬亲井臼戒旦以相夫子洁旨以奉高堂克俭克勤初终靡间是以能得堂上欢而使 赠翁无内顾憂且和族睦姻乡党称善識者於此早卜其后之必昌未几庭前玉树鬱鬱葱葱皆有干霄之势乃择贤师友与交遊 太夫人又以古今来忠孝事迹及里闾之能顯扬光大者时告勉之 公为伯氏故先以戎功建節藩镇仲叔两君亦俱以武职顯虽未真除其接踵固可坐待惟季尚幼业儒其气概亦非池中物也桂馨蘭芬箕裘相绍将见四世三公之家声於兹再振 太夫人当家业隆盛荣膺褒封宜可含饴弄孙稍即於安然以 赠翁弗禄嘗耿耿焉 公性至孝虽日以锦衣甘旨进每摈而弗御勤俭一如当日故百体康强精神爽健足为期颐上寿之徵不特此也他年 公为一代名臣勳书竹帛海内咸知 太夫人之贤必与陶孟诸母后先辉映於不朽已以此言寿孰大於是岂寻常颂祝浮词所能罄哉

光绪元年孟冬上浣之吉日

标下总兵銜中军遊擊魏松亭 左营遊擊金德成 右营都司曾献祥

中营守备周天桂 左营守备马占魁 仝叩祝



杨太蔚